

KERATAN AKHBAR

TARIKH : 16 FEBRUARI 2023
AKHBAR : SINAR HARIAN
MUKA SURAT : 26

Kerajaan teliti keperluan



RAFIZI ketika sidang media mengenai Prestasi Ekonomi Malaysia dan Pertumbuhan Keluaran Dalam Negara Kasar (KDNK) 2022 di Putrajaya. - Gambar NSTP/MOHD FADLI HAMZAH

CADANGAN PENYENARAIAAN IPO PETRONAS

KERAJAAN TELITI KEPERLUAN

Oleh Mahanum Abdul Aziz
bisnes@hmetro.com.my

Putrajaya

Banyak perkara yang perlu diteliti secara terperinci membatik penyenaraian Petronas memandangkan ia adalah pemegang amanah (*custodian*) kepada sumber hidrokarbon negara yang tertakluk dalam Akta Pemba-

ngunan Petroleum 1974 (PDA 1974).

Menteri Ekonomi, Rafizi Ramli berkata, dalam akta itu sebenarnya ada perkara-perkara khusus seperti fungsi Petronas dalam menjaga, mentadbir dan mengawal selia sumber hidrokarbon dalam negara ini.

Beliau berkata, berdasarkan perkembangan yang lalu, apabila Petronas menyenaraikan perniagaannya, ia hanya membatikkan per-

niagaan yang tidak menyentuh bidang kuasa serta bidang tugas khusus yang ada dalam PDA 1974.

Katanya, perkara itu juga adalah di bawah bidang kuasa Menteri Kewangan.

"Petronas mempunyai kedudukan yang unik yang perlu kita pertimbangkan kerana ia adalah pemegang amanah (*custodian*) sumber hidrokarbon di negara ini. (Kalau boleh diibaratkan) ia (langkah menyenaraikan

Petronas) adalah sama seperti menswastakan Jabatan Perhutanan.

"Jadi, kita perlu melihat sama ada terdapat keperluan untuk itu dan ia perlu diteliti sebaik mungkin. Jika ada keperluan (untuk menyenaraikan), ia perlu tidak membatikkan perkara yang termaktub dalam PDA 1974," katanya.

Beliau berkata demikian bagi mengulas mengenai cadangan Ahli Parlimen Su-

bang, Wong Chen yang menyaran kerajaan mengka-ji kemungkinan menyenaraikan tawaran awam permu- laan (IPO) Petronas sebagai salah satu cara mengumpul wang bagi membantu mengurangkan hutang negara.

Wong Chen (PH-Subang) ketika perbincangan usul Menjunjung Kasih Titah Diraja di Dewan Rakyat berkata, penyenaraian Petronas itu akan memberikan suntikan tunai yang besar

bagi mengurangkan hutang negara, menyediakan lebih ketelusan kewangan dan tadbir urus yang lebih baik kepada syarikat minyak dan gas negara, sekali gus meningkatkan hasil fiskal keseluruhan bagi kerajaan.

Beliau juga mencadangkan kerajaan mengikut langkah bijak yang dilakukan oleh Arab Saudi melalui penyenaraian Saudi Arabian Oil Company (Saudi Aramco) pada 2019.